

مساء الخير،

السيدات والسادة الالهل والانسباء،

أفراد عيلة الخويري الكرام،

أهلا وسهلا فيكن جميعا بهاللقاء العائلي المميّز، اللي بيجمعنا اليوم ،
المحبّة، والانتماء، والروابط العميقة اللي كانت دايمًا الأساس بهالعيلة العريقة.

اليوم اجتماعنا مش مجرد مناسبة،

اليوم محطة جامعة، فيا رؤية للمستقبل،

هدفا نقرب المسافات بين أبناء العيلة، ننظم شؤوننا، ونرسّخ أكثر روح التعاون
والتكافل بين أفرادها، مهما تنوّعت الأعمار أو اختلفت أماكن الوجود.

بهالإطار، بيشرفنا إنو نعلن اليوم عن إطلاق البطاقة الذكية الخاصة بعيلة
الخويري، مربوطة بموقع إلكتروني حديث ومميز ،

مبادرة عصرية وسباقّة ، وما حدا سبقنا عليا،

بتعكس حرص العيلة على مواكبة التطوّر، من دون ما تتخلّى عن قيمها،
وأصالتها، وإرثها الاجتماعي.

هالموقع الإلكتروني والبطاقة الذكية من للإعلام والتعريف وبس،
الغاية من واضحة وأهما :

- إطار جامع لأبناء العيلة، مع تنظيم للمبادرات البناءة ، وتعزيز الشعور بالانتماء والهوية العائلية المشتركة .
- جسر تواصل بقوي الترابط بين أفرادها وين ما كانوا .
- أداة للخدمات، بتفتح المجال قدام مزايا عملية واجتماعية بتخدم العيلة وأبناءها.
- تنظيم معلومات وبيانات العيلة ضمن إطار حديث .
- تسهيل المشاركة بكل نشاط أو لقاء عائلي .
- دعم ثقافة التكافل والتعاون بين أفراد العيلة .
- فتح آفاق لمبادرات اجتماعية، تربوية، أو صحّية بالمستقبل .

ومن الخدمات يلي بتهدف لآلو هالبطاقة الذكية والموقع الإلكتروني:

- التعريف بعضوية العيلة بالمناسبات والنشاطات المختلفة .
- الاستفادة من خدمات و تسهيلات انشغل عليا، ورح نظورا أكثر بالمستقبل .
- تنظيم التواصل والإعلام الداخلي بين أبناء العيلة .
- التطور الدائم ومواكبة فعلية للتكنولوجيا الحديثة ، لتشمل بالمستقبل خدمات رقمية واجتماعية إضافية.

هالمبادرة ما كانت اتحققت لولا تلاقي الجهود، وإيمان كبير من عدد من الاشخاص،

ولولا الإيمان المشترك من رئيس وأعضاء عائلة الخويري،

إنو العيلة المتماسكة هي حجر الأساس لمجتمع متماسك.

ريس شربل ، كل همك وهدفك الدائم ، هوي جمع العيلة الكبيرة والصغيرة
والتواصل الدائم مع بعضا البعض ،

اليوم يا ريس فكرتك صارت حقيقة،
والحقيقة هي ، بطاقة ، إنتماء ، فعلية ، لجامعة الخويري ،
صارت أمر واقع ، وهدية منك لكل أبناء العيلة.

منتأمل تكون هالبطاقة ، وهالموقع الإلكتروني ، خطوة أولى بمسار طويل من
المبادرات

يلي بتجمع ، وما بتفرّق،
يلي بتبني ، وما بتهدم،
وبتحفظ إرث العيلة ، وبتسلّم للأجيال الجايي ، بصورة أرقى وأقوى.

أخيرا" قبل ما نعرض الفيديو بهالخصوص،
كل الشكر والتقدير لكل شخص ومورد ساهم معنا لإنجاح هالمشروع الثوري
والمتطور ، وأكد هني كتار مافينا نعدن كلن ، منشكرن من كل قلبنا.